



**Ministry of Civil Affairs**

---

Broj: 14-16-3-1-7/22  
Datum: 21.03.2022. godine

Na osnovu člana 70. Zakona o javnim nabavkama BiH (Službeni glasnik BiH broj 39/14), ministrica civilnih poslova Bosne i Hercegovine donosi:

**ODLUKU**

**o izboru najpovoljnijeg ponuđača**

**I**

Najpovoljniji ponuđač u postupku javne nabavke laptopa objavljenom na web portalu Agencije za javne nabavke BiH, broj obavještenja: 121-1-1-25-3-13/22 od 08.02.2022. godine i Ispravka Obavještenja broj: 121-1-1-25-8-15/22 objavljena dana 17.02.2022. godine, koji je proveden u skladu sa procedurom otvorenog postupka je CONFIG d.o.o. Mostar.

**II**

Ova odluka će se dostaviti ponuđačima u roku od 3 (tri) dana, a najkasnije u roku od 7 (sedam) dana od dana donošenja.

**III**

Ova odluka stupa na snagu danom donošenja.

**OBRAZLOŽENJE**

Na osnovu provedenog postupka nabavke, Komisija za nabavke za 2022. godinu je konstatovala da je rok za dostavu ponuda 10.03.2022. godine do 11:00 sati, te da je do navedenog roka na protokol Ministarstva civilnih poslova Bosne i Hercegovine pristiglo 8 ponuda i to ponuđača: TIME CODE d.o.o. Sarajevo, PR SMART COMPUTER Prijedor, PR MEDIA MARKET Prijedor, ARTCO GROUP d.o.o. Sarajevo, INTER-COM d.o.o. Zenica, DISTI d.o.o. Sarajevo, CONFIG d.o.o. Mostar i DIGITARIJA d.o.o. Sarajevo. Neblagovremenih ponuda nije bilo.

Komisija je prema specifikaciji navedenoj u tenderskoj dokumentaciji, provedenom postupku analize i ocjene ponuda izradila Zapisnik o pregledu i ocjeni ponuda, u kojem su detaljno obrazloženi razlozi za izbor najpovoljnijeg ponuđača.

Ponuda ponuđača TIME CODE d.o.o. Sarajevo nije prihvatljiva iz razloga što je dostavljena samo jedna kopija ponude, te ponuda nije dostavljena skenirana na CD, USB ili sličnoj memoriji, iako je tačkom 14 Tenderske dokumentacije jasno navedeno da je Ponuđač dužan dostaviti ponudu u originalu i 2 (dvije) kopije na kojima će čitko napisati: "ORIGINAL PONUDA" i "KOPIJA PONUDE",

te napomena da su ponuđači obavezni dostaviti skeniranu kompletnu ponudu na CD-u, DVD-u, USB-u ili sličnoj memoriji.

Ponude ponuđača ARTCO GROUP d.o.o. Sarajevo, DIGITARIJA d.o.o. Sarajevo, PR SMART COMPUTER Prijedor i PR MEDIA MARKET Prijedor nisu prihvatljive, iz razloga što tehnička specifikacija laptopa navedenih u ponudi nije u skladu sa karakteristikama traženim u tenderskoj dokumentaciji, odnosno ponuđeni laptopi su teži u odnosu na maksimalno dozvoljenu težinu traženu tenderskom dokumentacijom.

Ponuda ponuđača INTER-COM d.o.o. Zenica nije prihvatljiva, iz razloga što tehnička specifikacija laptopa navedenog u ponudi nije u skladu sa karakteristikama traženim u tenderskoj dokumentaciji, odnosno ponuđeni laptop veličine 15,6 ima vrijednosti: 4 cores, 8 threads i 12 MB cache memorije, a vrijednosti tražene tenderskom dokumentacijom su: 8 cores, 16 threads i 24 MB cache memorije

Komisija je utvrdila da su ponude ponuđača DISTI d.o.o. Sarajevo i CONFIG d.o.o. Mostar prihvatljive, te je analizom ponuda, primjenom kriterija najniža cijena, nakon održane e-aukcije, Komisija utvrdila sljedeće:

Najpovoljnija je ponuda ponuđača CONFIG d.o.o. Mostar sa ukupnom cijenom sa 17.990,00 KM bez PDV-a, odnosno 9.348,30 KM sa uračunatim PDV-om. Obzirom da ista u ekonomskom i tehničkom smislu u potpunosti zadovoljava zahtjeve ugovornog organa data je preporuka da se donese odluka o izboru najpovoljnijeg ponuđača.

Na osnovu prijedloga Komisije, odlučeno je kao u dispozitivu ove odluke.

**Pouka o pravnom lijeku:** Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od 10 (deset) dana od dana prijema ove odluke. Žalilac izjavljuje žalbu Uredu za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.



**DOSTAVITI:**

1. Ponuđačima - elektronski
2. Web stranica Ministarstva – na objavu
3. a/a